

১৮ ফেব্রুয়ারি ২০২০ইং

## সংবাদ বিজ্ঞপ্তি

### সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বাংলাদেশ, সিঙ্গাপুর ও বিশ্ব পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

### গুজব ও জ্বরদস্তি পরিহারের আহ্বান

আমরা উদ্বেগের সাথে লক্ষ্য করছি যে, দেশ-বিদেশের বরাত দিয়ে নানা গুজবের সৃষ্টি হয়েছে। বিশেষ করে সামাজিক গণমাধ্যমে এর উদ্বেজনক প্রসার ঘটছে। এ ধরনের গুজবের পরিণতিতে সাতক্ষীরাতে একজন সন্দেহজনক রোগীর মায়ের দুঃখজনক মৃত্যু ঘটেছে। শুধু তাই নয়, কোন কোন স্থানে স্থানীয় জনসাধারণের মধ্যে এর ফলে অস্থিরতা সৃষ্টি হয়েছে, এবং চীন ও সিঙ্গাপুর ফেরত কোন কোন যাত্রীর ব্যক্তিগত ও সামাজিক নিরাপত্তা ঝুঁকি তৈরী হয়েছে। এতে প্রভাবিত হয়ে কোনো কোনো স্থানে স্থানীয় প্রশাসন ও আইন-শৃংখলা বাহিনী চীন ও সিঙ্গাপুর ফেরত যাত্রীদের প্রতি জ্বরদস্তি আচরণ করছে। গুজব এবং জ্বরদস্তি দু'টোই সম্ভাব্য রোগী সনাক্তে বাধার সৃষ্টি করবে এবং সন্দেহজনক রোগীরা তথ্য ও অবস্থান গোপন করবে। এটা COVID-19 রোগী সনাক্তে জনস্বাস্থ্য কর্তৃপক্ষের চেষ্টাকে হুমকির মুখে ফেলবে। আমরা সংশ্লিষ্ট সকলকে সর্বপ্রথম আইইডিসিআর হটলাইনে যোগাযোগ করে তাদের পরামর্শ অনুযায়ী কার্যক্রম পরিচালনার জন্য পুনরায় আহ্বান জানাচ্ছি।

### বাংলাদেশ পরিস্থিতি

গত ২৪ ঘন্টায় আইইডিসিআর-এর ভাইরোলজি ল্যাবরেটরিতে সন্দেহজনক COVID-19 আক্রান্ত ২ ব্যক্তির নমুনা পরীক্ষা করে তাদের নমুনাতে COVID-19 ভাইরাস পাওয়া যায় নি।

### চীনের উহান ফেরত ৩১২ জন যাত্রীগণ সবাই সুস্থ

৩১২ জন উহান ফেরত যাত্রীদের কোয়ারেন্টিন পরবর্তি আরো ১০ দিন ৩১২ জনকে সীমিত চলাচল ও নিজেদের স্বাস্থ্য পরিস্থিতি অবহিত করতে আইইডিসিআরএর সাথে নিয়মিত যোগাযোগ রাখার পরামর্শ দেয়া হয়েছে। তাদের প্রতি নির্দিষ্ট নির্দেশনা দেয়া হয়েছে। তাদের কেউ কেউ হটলাইনে নিয়ন্ত্রণ কক্ষের সাথে যোগাযোগ করেছেন, নিয়ন্ত্রণ কক্ষ থেকেও তাদের সাথে যোগাযোগ রক্ষা করা হচ্ছে। তারা সবাই সুস্থ আছেন।

### সিঙ্গাপুর পরিস্থিতি

সিঙ্গাপুরে বাংলাদেশ দূতাবাস থেকে প্রেরিত সর্বশেষ খবরে আমরা জানতে পেরেছি যে, মোট ৫ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন আইসিইউ-তে আছেন। কোয়ারান্টাইনে আছেন ৫ জন বাংলাদেশের নাগরিক। সিঙ্গাপুরে সর্বমোট ৭৭ জন COVID-19 রোগী

চিকিৎসাধীন। পরীক্ষায় COVID-19 সংক্রমণ পাওয়া যায় নি ৯৩৭ জনের, পরীক্ষার ফলাফলের অপেক্ষায় আছেন ১০৩ জন রোগী, এবং সুস্থ হয়ে বাড়ী ফেরত গেছেন ২৪ জন। বাংলাদেশে সিঙ্গাপুরের দূতাবাস থেকেও আমাদেরকে সিঙ্গাপুর পরিস্থিতি সম্পর্কে নিয়মিত অবহিত করা হচ্ছে।

**COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (১৮ ফেব্রুয়ারি ২০২০ইং)**

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১৩২৫৬	২০৪৮২০
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৭৮৫৬	৯৭৪৩৫
ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	১৫৫	২৪৩৫
ঢাকা ক্যান্টনমেন্ট রেলওয়ে স্টেশনে ক্রিনিংকৃত যাত্রীর সংখ্যা	২৬৫	১৪৪২
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৫১৩৫	১০৫৯৪৩

\* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

\*\* কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

**COVID-19 সংক্রান্ত সর্বশেষ পরিস্থিতিঃ (১৮ ফেব্রুয়ারি ২০২০ইং)**

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	৮৪	২৪৩৭
আইইডিসিআর হটলাইনে COVID-19 সংক্রান্ত মোট কলের সংখ্যা	৫৬	১৭৯৮
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	০	৯২
COVID-19 পরীক্ষা করা মোট নমুনার সংখ্যা	২	৭৪
নিশ্চিতকৃত COVID-19এর মোট রোগীর সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০১১, ০১৯৩৭১১০০১১

স্বাস্থ্যতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন

- কাশি শিষ্টাচার মেনে চলুন (হাঁচি/ কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা  
পরিচালক

ফোন নম্বরঃ ০২-৯৮৪২২৭০